

Broj: 01-1-1211/26

Datum: 20.8.2026. godine

ZAPISNIK SA 6. REDOVNE SJEDNICE UPRAVNOG ODBORA JU BIBLIOTEKA SARAJEVA

održane dana 22.7.2026. godine (srijeda) u poslovnoj zgradi Biblioteke, u ulici Mis Irbina br. 4,
s početkom rada u 16.30 sati

Sjednicu je otvorila i sjednicom predsjedavala Aida Čupović, predsjednica Upravnog odbora, konstatirajući prisustvo sastava Upravnog odbora kako slijedi:

- Aida Čupović, predsjednica Upravnog odbora
- Šabanović Samira, članica
- Džakmić Jasmina, članica
- Rešidović Lejla, članica
- Midhad Kurtović, član ispred Ustanove.

Sjednici prisustvuje direktorica Merima Lendo. Zapisničar – voditelj službe za pravne poslove, Janjoš Ajla opravdano odsutna. Zapisnik vodi Mirsad Đuderija, bibliotekar-odjeljenje.

Predloženi Dnevni red jednoglasno je usvojen i glasi:

1. Razmatranje i usvajanje Zapisnika sa 5. redovne sjednice Upravnog odbora JU „Biblioteka Sarajeva“ održane dana 30.6.2026. godine
Prilog: Zapisnik sa 5. redovne sjednice Upravnog odbora;
2. Informacije o provedenom javnom oglasu na neodređeno vrijeme;
Izvestilac: Direktorica Merima Lendo
3. Inicijativa Mehmedović Maše
Prilog: Dopis – inicijativa Mehmedović Maše
4. Razno

Ad. 1

Zapisnik 5. redovne sjednice Upravnog odbora JU Biblioteka Sarajeva održane dana 30.6.2026. godine, **jednoglasno usvojen.**

Ad.2

Direktorica JU Biblioteka Sarajeva kao izvestilac druge tačke izvještava Upravni odbor o provedenoj proceduri javnog oglasa za prijem radnika na neodređeno vrijeme, te navodi da je javni oglas za prijem Bibliotekara na odjeljenju - 3 izvršioca, voditelja službe za pravne poslove -1 izvršilac, portir – 1 izvršilac i higijeničarke – 2 izvršioca objavljen 12.5.2026. godine, te da su pristigle ukupno 52 prijave od kojih je 29 prijava bilo ispravnih. Pismeni ispit je održan 9.6.2026. godine, dok su usmeni ispiti održani 9.6.2026., 10.6.2026. i 11.6.2026. godine. Komisija za prijem u radni odnos na neodređeno vrijeme, a u skladu sa Uredbom o postupku prijema u radni odnos u javnom sektoru na teritoriji KS, blagovremeno je dostavila Listu uspješnih kandidata, te je bio jedan prigovor Upravnom odboru, kao i jedna prijava Uredu za borbu protiv korupcije, koja je istu proslijedila Inspekciji rada i zaštite na radu, na nadležno postupanje. Inspekcija je utvrdila da je javni oglas proveden u skladu sa Zakonom i

Uredbom, te nije utvrdila nepravilnosti. S tim u vezi, zaključeni su ugovori o radu na neodređeno vrijeme.

Ad.3

Mehmedović Mašo je podnio inicijativu za izmjenu Pravilnika o sistematizaciji radnih mjesta u JU „Biblioteka Sarajeva“ sa prikupljenih 66 potpisa, te se Upravni odbor, nakon razmatranja i rasprave, te izdvojenog mišljenja Kurtović Midhada, člana Upravnog odbora ispred kolektiva, u kojem je istakao da je isti saglasan sa inicijativom podnesenom od strane Mehmedović Meše, te da podržava zaštitu bibliotekara pri zapošljavanju, kao i da je javni oglas bio legitiman i legalan jer je proveden u skladu sa aktuelnim aktima, očitovao **jednoglasno** na podnesenu inicijativu. Upravni odbor je detaljno obrazložio svoje stavove i sumirao da u ovom trenutku ne postoje pravni osnovi za prihvatanje dostavljene inicijative za izmjenu Pravilnika, kao i da se izmjene istog mogu razmatrati isključivo kroz redovnu proceduru uz prethodnu analizu njihove usklađenosti sa vežećim pravnim aktima.

Ad.4

Pod tačkom Razno direktorica je upoznala članove Upravnog odbora u vezi sa obrušavanjem fasade za zgrade, te da se obratila Inspekciji Opštine Centar, Ministarstvu kulture i sporta KS, kao i Službi za civilnu zaštitu kako bi u okviru svojih nadležnosti izvršili uviđaj, utvrdili činjenično stanje, kao i da odrede nadležni organ odnosno odgovorno lice za poduzimanje potrebnih mjera kako bi se pokrenule aktivnosti na hitnom otklanjanju i sanaciji oštećene fasade. U pogledu odgovora ministarstva po prigovorima radnica, koje je Upravni odbor proslijedio resornom ministarstvu na davanje mišljenja i smjernica, konstatovano je da odgovor još nije dostavljen.

ZAKLJUČCI:

- Dnevni red, **jednoglasno usvojen**;
- Zapisnik 5. redovne sjednice Upravnog odbora JU Biblioteka Sarajeva održane dana 30.6.2026. godine, **jednoglasno usvojen**.
- Informacije o provedenom javnom oglasu na neodređeno vrijeme, u kojim je direktorica detaljno obrazložila poredani Javni oglas za prijem u radni odnos na neodređeno vrijeme, a koji je bio objavljen 12.5.2026. godine;
- Inicijativa Mehmedović Maše za izmjenu Pravilnika o sistematizaciji radnih mjesta u JU „Biblioteka Sarajeva“, te se Upravni odbor očitovao i obrazložio svoje stavove, sumirajući da ne postoje pravni osnovi za prihvatanje dostavljene inicijative za izmjenu Pravilnika, kao i da se izmjene istog mogu razmatrati isključivo kroz redovnu proceduru uz prethodnu analizu njihove usklađenosti sa vežećim pravnim aktima
- Pod tačkom Razno članovi Upravnog odbora su bili upoznati sa redovnim aktivnostima.

Sjednica je zaključena u 17.34 sati.

ZAPISNIČAR

Ime i prezime

